



ԱՄԵՐԻԿԱԶԱՅ ԲԱՆԱՍՏԵՂԾ ԿԱՐԱՊԵՏ ՍԻՏԱԼԻՆ ՆՎԻՐՎԱԾ ՄԵԾԱՐՄԱՆ ԵՐԵԿՈ

Նոյեմբերի 17-ին, Հայֆիլհարմոնիայի համերգային փոքր դահլիճում, տեղի ունեցավ ամերիկահայ բանաստեղծ, հրապարակագիր և հասարակական գործիչ Կարապետ Սիտալի ծննդյան 70 և գրական գործունեության 50-ամյակին նվիրված մեծարման երեկո, որին ներկա էին գրողներ, գիտնականներ, արվեստի աշխատողներ, ուսանողներ, մայրաքաղաքի հասարակայնության բազմաթիվ ներկայացուցիչներ:

Կ. Սիտալը ծնվել է 1891 թվականին Շատախ գավառի Կաշտ գյուղում: Նախնական, միջնակարգ և բարձրագույն կրթությունն ստացել է Վանի և Թավրիզի ամերիկյան կոլեջներում: Գրական իր առաջին փորձերը կատարել է 1911—1912 թվականներին:

1914 թվականին Կ. Սիտալը մեկնել է ԱՄՆ, ուր հաստատվել է ընդմիջում և նվիրվել գրական-հասարակական գործունեության: Ավելի քան 50 տարի Կ. Սիտալը գրել է բազմաթիվ պոեմներ, բանաստեղծություններ, որոնք ստեղծված են ջերմ սիրով դեպի աշխատանքի մարդը, դեպի սովետական ժողովուրդն ու Հայրենիքը: Նրա բանաստեղծական մաստակը հենվում է ժողովրդական բանահյուսության հիմքերի վրա:

ԱՄՆ-ում լույս են տեսել Կ. Սիտալի «Գուսաներգեր», «Գիշերեն մինչև լուսաբաց», «Լուսաբացի երգեր», «Մասմա ծուր», «Կաշտի քաջեր», «Մամ ու Զինը» երկերը: Նա Հայրենիք այցելության տպավորություններին է նվիրել 3 գիրք՝ «Տեսա մեր երկրի արևածագը», «Արևածագ և առավոտ», «Նոր հորիզոններ»: Հայպետհրատը 1936 թվականին

լույս է ընծայել Կ. Սիտալի «Լուսաբաց»-ը և 1957-ին «Դյուցազնական»-ը:

Մեծարման երեկոյին ներածական խոսքով հանդես է եկել Գրողների միության վարչության առաջին քարտուղար է. Թոփչյանը: Կ. Սիտալի կյանքի և գրական գործունեության մասին զեկուցել է բանասիրական գիտությունների թեկնածու Հրաչյա Գրիգորյանը:

Վեհափառ Հայրապետը Կ. Սիտալի ծննդյան 70-ամյակի և գրական գործունեության 50-ամյակի առթիվ հորեղյարին ուղղել է նոյեմբեր 13 թվակիր օրհնության հետևյալ կոնրակը.

«Ահնուն գոհունակությամբ կողոնենեմ Ձեր գրական վաստակի 50-ամյա հորելյանը Հայրենի հողի վրա:

Մայր Երկրի հարազատ ժողովուրդն է, որ Ձեր անձի մեջ կգնահատե ու կմեծարե իր արժանավոր և հավատարիմ զավակներին մին:

Հորելյանական ուրախությանց կմանակցենք Մենք ևս հրեվանհով և Մեր ջերմագին աղոթքներով:

Նվ կմաղթենք Ձեզի փառառոց երկառարիներ գրական-հասարակական բեղուն գործունեությամբ, որպեսզի նույն տաղանդով և նույն հայրենասիրությամբ շարունակեք Ձեր հայրենանվեր առաքելությունը Սփյուռքի հայության ծոցին մեջ:

Մայր Աթոռ Սուրբ Էմիածեն և Մեր արտեն օրհնությո՜ւն Ձեր կյանքին ու գործին:

«Ողջ լերուք և յաւէտ օրհնեալ ի Տեառնէ և ի Մէնջ»: Ամեն:

